

山右石刻叢編

山右石刻叢編卷二十

題主事張鼎撰即傳郎兼都察院右副御史巡撫山西兼提督政印務制太原城守尉西胡驥之說

金

華嚴寺薄伽藏教記

碑從裝本錄出尺寸行
數無稽今在大同縣

大金國西京大華嚴寺重修薄伽藏教記

雲中段子卿撰

京東會龍寺講經沙門法慧書

雲中張公微篆額

薄伽藏教者乃三世諸佛十方菩薩聲聞羅漢一切聖賢言
行之摠錄也至於六道四生因果之法靡所不載大槩設百
千萬種善巧方便勸誠衆生遷善遠罪而已此教乘之本意

也及乎離拔苦海超證菩提者未有不由於斯也教之始出
出於西方佛刹之中來之東土者因緣運歷所使之然也雖
三皇五帝之初其道亦已行矣止以世質人純未識因果故
不能大興爾迄至漢明帝之有天下夜夢金人飛空而至爰
從傳覈之占遠出天竺之使委尋佛法適遇摩騰使乃具言
帝命要來中國帝因見而異之曰吾之所夢正以是夫故崇
恩禮以接之置精舍以處之起居出入莫不奉焉騰乃譯經
四十有二章緘之於蘭臺石室風以動之教以化之人稍稍
而敬信焉迨夫夜鳴白馬名改於招提寺瓶出舍利塔建於
佛陀里自茲厥後其道日隆降及三國之末聯綿五代之終
其間則有高僧前後相續繼踵而至者三十餘輩率皆踰沙
越漠冒險涉危心乎濟度苦不為難或自西而東者挾教而

來或自東而西者得法而返咸依梵本譯而傳之故佛之旨
意自此而彰僧之軌儀從茲而著自天子至於庶人莫不傾
耳而聽之拭目而視之者歟故能廓含靈之慧眼通法界之
迷津與夫日月出而昏蒙披雷雨作而草木解一何異哉使
知禍福之因得悟死生之趣咸云厥道大可依歸漸積成俗
久而益著故梵刹精藍靡所不有浮圖佛廟是處爭興後世
雖有誹謗為梗之徒若退之者致辭以攻愈攻則愈堅抗力
以撲益撲而益熾信所謂如山之苞如川之至其何動禦哉
此蓋不可思議無邊功德之所致也异哉佛之教化若此以
大興教之簡牘亦從而漫廣故纂成門類印造頒宣派而別
之則有大小權實頓漸偏圓顯密之類分焉遂使都城郡鄴
山方蘭若凡有僧尼佛像之所往往聚而藏之以其廣大悉

備故謂之藏教至大唐咸通間沙門從梵者集成經源錄以紀緒之其卷帙品目首末次第若網在綱有條而不紊可使後人易為簽閱爾及有遼重熙間復加校證通製為五百七十九帙則有太保太師入藏錄具載之云今此大華嚴寺從昔已來亦是有教典矣至保大末年伏遇

本朝大開正統天兵一鼓都城四陷殿閣樓觀俄而灰之唯齋堂厨庫寶塔經藏泊守司徒大師影堂存焉至天眷三年閏六月間則有衆中之尊者

僧錄通悟大師慈濟廣達大師通利大德通義大師辯慧大德妙行大師泊首座義普二座德祚等因遊歷於遺址之間更相謂曰曩者

我守司徒大師秀出群倫興弘三寶濡教雨而潤民苗鼓化

風而董佛種豈特人天之仰止亦惟在上者師之爰出官財
建茲梵宇壯麗嚴飾稀世所有一旦隳殘以至於此誠可以
痛乎哉惜乎哉為人之後者苟不能繼其絕而興其廢補已
弊而完已壞者能無愧乎殊不聞厥父菑厥子弗肯穫厥父
基厥子弗肯構則俗人尚為之誚爾況我等之為釋子可不
念哉已而(玄)先出己之淨財仍化同居之清衆暨諸外内信
心之流加之援助乃仍其舊址而時建九間七間之殿又構
成慈氏觀音降魔之閣及會經鍾樓三門塏殿不設期日巍
乎有成其左右洞房四面廊廡尚闕如也其費十千餘萬所
給甚易尔奈何天與之始而不與之終事見其作而不見其
成哀哉不數年上五人乃化傾城士庶舉多哀慟者皆以此
也嗚乎昔人之同力功尚未終主事者先歸誰復為葺果見

星霜屢變佛宇荒涼顧左右前後之間唯瓦礫蒿萊而已雖有殿堂豈堪遊礼者乎則有 故僧錄大師門人省學者

一日慨然念 先師等之勤曰昔者服勞興修廢業其事

未終而奄然長往我為之後寧不痛茲雖未能嗣續而大成之蓋不務專精而守規爾于是聚徒興役刈楚翦茨基之有缺者完其缺地之不平者治以平四植花木中置欄檻其費五百餘萬焉此乃不使前人之功墜以待將來之緣合暨得成全亦今日之力也而後因礼於藥師佛壇乃觀其薄伽教藏金碧嚴麗煥乎如新唯其教本錯雜而不完考其編目遺失者過半遂潛運於悲心庶重興於素教將弃其遺本愍家之舊物擬補以新經慮字之訛錯紬繹再三皆不若擇其一同者補而全之俄而具以其事言於當寺沙門惠志省洎德

嚴等三人焉庶幾協力克成厥功彼人聞是語已一意欣而奉之遂聚其清信家乃立為薄伽邑僉曰凡事為之有作須頭目而後行然而託之大者易以建効非其人則勞而無功反覆諮詢未知其可衆乃同聲而唱言曰有興嚴寺前臨垣傳戒慈慧大師可是師也素具慈悲復修性相旁施惠力常轉於法輪濟拔群生超登乎覺岸儻肯為緣事無難矣是時同躋狀而請之曰願住寺設度而為邑長加之援助圓滿功德我等之素願也師乃荅其衆望俯而從之則於正月元日七月望辰陞座傳演鳩集邑衆所獲施贈以給其簽經之直然後徧歷平州城郡邑鄉村巖谷之間驗其闕目從而採之或成帙者或成卷者有聽贖者有奉施者朝尋暮閱曾不憚其勞日就月將益漸盈其數歲歷三周迄今方就其卷軸式

樣新舊不殊字号詮題後先如一此不亦難哉又況難聚易散者物之常情惡求喜施者人之同病今茲藏教廢已久矣苟匪斯人終為弃物其何復完之有且省學之輩皆異人也非止乎進修為念亦頗以學行著名同心戮力不憚經營積日累功圓茲教典亦佛家之美事爾原其所用心者頗有顯獎之風焉既而以事囑於余而請銘焉余亦惜其專精致志迓續先功捨其遺而補其闕真釋氏之子耶恐後之來者不知今日之勤而忽于寶護因書以記之而勒之石其辭曰

梵教始生生於西域風化旁流流及中國肇自摩騰弟多傳澤濟拔群生無邊功德功德蓋多依歸為則世_所漢唐傳之不息地久天長綿綿罔極精舍伽藍寶藏各得大華嚴家素有是籍兵火流離缺其簡冊省學之徒視之愴惻迨與重興

同心協力弃其遺編心無不盡補以新經字多訛忒爰歷諸
方躬勤採摭能者助之與給其直日就月將纂成嘉績新舊
一同宛如合璧目見耳聞欣然有色億萬斯年家風輝赫

大定二年歲次壬午五月丁酉朔十四日庚戌異時沙門
省學等立石同辦圓滿功德立石沙門德嚴同辦圓滿功
德立石沙門省洎故同辦圓滿功德立石沙門惠志當寺
大眾同心倡助成辦人等下項比德道潔比惠令比義
德佶比德存比道震比道延比德璘比義瓊
比省奧比德雲比省鑒比省瓊比義洪比省
省微比省惠比德聲比德雄比省塵比善雲
比善淵比道淨見臨壇淨行大德沙門法融講經律
論沙門惠柔誦持沙門德祚善護大德賜紫沙門雲吟故

律主通義大德賜紫沙門覺海前臨壇傳菩薩戒慈慧大
師賜紫沙門思瓊首座講經律論沙門義普故都僧錄詮
融通悟大師賜紫沙門志昱居邑衆中諸寺院師德如後
故都僧錄淨惠大師賜紫沙門德惠見都僧錄智妙明悟
大師賜紫沙門祥均見都僧錄判通微大德賜紫沙門覺
樞前都僧錄判傳戒淨業大德賜紫沙門圓明永寧寺故
長老性直寶林寺長老行惠大聖壽寺長老智柔弘法院
長老道通圓修大德賜紫沙門惠文圓悟大德賜紫沙門
惠琮傳演大德賜紫沙門法善宣戒大德賜紫沙門文惠
大德賜紫沙門棲靈臨垣宣戒大德道照臨垣詮戒大德
圓成臨壇慈度大德性廣是外仍有薄伽邑衆八百餘名
以其如此浩大不能具書故略之耳鴈門解遵仁刊

按碑題雲中段子卿撰京東會龍寺講經沙門法慧書雲
中張公徽篆額碑見大同府志撰書篆額人並同碑云大
華嚴寺保大末年伏遇大開正統天兵一鼓都城四陷云
云保大爲遼天祚弟三紀元金史本紀天輔六年三月都
統杲出青嶺宗翰出瓢嶺追遼主於鴛鴦濶遼主奔西京
宗翰復追至白水濶己已至西京壬申西京降乙亥西京
復叛四月辛卯復取西京此云都城四陷者卽指金取西
京事碑云天眷三年通悟大師等出財修建費十千餘萬
星霜屢變僧錄大師門人省學完缺治平費五百餘萬亦
可謂鉅費矣

英濟侯感應記

碑連額高五尺廣二尺五寸五分二十一行行五
十二字正書額題六字篆書今在陽曲縣烈石口

太原府英濟侯感應記

奉議大夫充太原府推官驍騎尉賜緋銀魚袋張希孟篆額

奉議大夫前太原府市令驍騎尉賜緋銀魚袋高翥校勘陽曲縣境汾水之濱有祠曰英濟俗呼為列石神蓋里俗傳之訛取山石分列水從中出而名焉其實非也考之圖籍乃春秋時趙簡子臣姓竇名犢字鳴犢與舜華齊名生而烈直志比秋霜死也英靈能興雲雨里人故立祠祀焉廟無碑記年代悠遠靈異之跡難得而考詳廟之右有數泉出於蒼崖石脚間旱焉不乾水焉不溢湛然澄澈可鑑毫髮深疑神物窟宅隱伏於中距數步則湍流奔湧滔滔然勢不可遏惜乎地多沙潰逼於河汾不然則鑿渠改流灌溉民田濟物之功

不在汾陰昭濟之下矣或說若時亢旱則吏民祈禱無不感應加以隣道之人亢陽愆歲則不遠千里扶老携幼奉香火修禮儀俯伏

祠下恭虔請水起之時到之日無不雨足是故一境之內隣道之民莫不仰賴舊廟臨汾流而靠諸泉宋元豐八年六月二十四日汾水漲溢遂易今廟邦人祈求屢獲感應守臣敷奏頌

賜廟額曰英濟侯迄今載在祀典而廟食焉英濟之名蓋取生而英靈死而濟物故也里諺云歲無怪風劇雨民不殍殍穀華完實皆神力也按孔子家語孔子至河間喟然嘆曰洋洋乎聖之不濟此之命也子貢趨而進曰敢問何謂也孔子對曰竇犇舜華晉之賢大夫也趙簡子未得志之時頃此二人然後從政及其得志也而殺之刳胎殺夭麒麟不至其郊

山左志
竭澤之漁蛟龍不至其淵覆巢破卵鳳凰不翔其邑君子諱
其類也遂還轅作槃操以哀之孔子大聖尚當時而賢之况
後世乎今縣境有寶城距廟二十里通德鄉則神之故城舜
華廟在交城明其二大夫皆河東人舉無疑矣大定二年僕
被奉

恩命叨領是邑承流宣化非所長也到任之初但仰稟
大府約束遵奉

教條而已入夏已來雨澤愆期下民皇皇幾不聊生土人析
禱竇頻而青天湛然烈日如焚驕陽馳騁旱氣轉甚左右曰
子為邑長此有靈神何不祈禱而豈忍坐視生民之斃邪遂
率吏民於五月二十日恭禱

祠下焚香奠拜禮未畢

而奔雲湧霧蔽昊蒼伏光景遍滿山谷頃臾雨澤霽霽比及

還城三十里間如縷不絕抵暮猛若觀盆拂旦則天氣廓晴
雲收大野由是嘉穀奮興根葉潤澤引莖拔穗不失時宜萬
姓熙熙歡聲洋溢於郊甸何其神也此蓋

府尹 相公賢明愛物感召和氣上動

穹昊致此休祥一路霑惠僕何人哉預此勝事噫賢公賢大
夫也生而德及於民歿則康濟於物宜乎億萬斯年廟食於
此矣靈異之事若不刻之堅石恐歲月寢久寂滅而無聞僕
業不在文故博採輿說顯應之跡實而錄之

大定二年歲次壬午六月望日

忠顯校尉知陽曲縣令史純撰記

進義校尉天門關商酒都監王鐸

敦武校尉行陽曲縣尉完顏斜也

橫渠修武校尉馬秉行

當里進士劉巨川 智孫 喬瑋同錄寶

當里管勾助緣喬展 喬平 劉琮 郭澤 喬珣 李

茂 張會 張真會 智因 喬顏 喬孝 張錫 喬

智 張達 喬忠 喬琦 喬珪 郭宗元 喬約 張

琦 張琮 喬充 喬廉 喬楫 牛福 畫工李孝孫

李良 喬實 喬淦 喬權 喬完 喬添 喬武

石宜 張瓊同立石

助緣故礪韓權 姚彥 姚儀 胡寧 下溫 史公

呼延 溫遠 西馮 李章 李璫 武言 張立 劉

材 賈堅 榮琮 張珪 賈珪

維那下溫史京橫渠王安 畫工鄭宗道 鄭宗遠 翟

村郭立 鎮城毛剛 上礪 高明 術人任天元

助緣管勾司吏典佐姜柱 周慶 閻札 呂振 張琮

徐輔 周濟 趙仔 引報王福 首領韓劉整 劉

韓万 杖子郝彥 白直 趙信 王亨

助緣里正王才 蔡立 李和 王榮等造材

太原進士任宇書丹

當鄉里正專管勾喬□□

廟基主看管人張璘 張積 劉莊賈宗義

古井王子文同刊石 木匠王誠

按碑題奉議大夫充太原府推官張希孟篆額奉議大夫

前太原府市令高翥校助按金史百官志諸總管府推官

一員正七品

河東北路太原總管府

市令司中都置令一員以此碑

考之則大定中諸總管府亦置市令也舊通志竇大夫祠
在縣北四十里祀趙簡子臣竇犇金元間稱英濟侯廟碑云
宋元豐八年六月二十四日汾水漲溢遂易今廟守臣敷
奏賜廟額曰英濟侯則英濟之封竇始自宋元豐八年六
月知太原者爲呂惠卿見長編金石大定二年縣令史純
續編據此碑奏封英濟者惠卿也撰感應碑卽此碑按子華子虎會問篇今主君之未得志
也有竇叔子者推其後有舜華者挽其不及而使之當於
理竇叔子之爲人也強毅而有立方嚴而不剄其事主也
齊戒祓濯而無有回心舜華多覺而強記恥其所聞不惠
於古初其立論挺挺而不可以奪舉晉國之選也主君之
所與懋昭其庸而光賁於趙宗者也今無故而戮叔子矣
又斃舜華於野以罪名不聞於國人何其首尾之刺戾也
二人行誼略見於此碑爲大定二年夏知陽曲縣史純禱

雨應祈而立末題大定二年六月望日忠顯校尉武階知

陽曲縣令史純撰記

陽曲縣志職官表同

所列諸官有進義校尉天

門關商酒都監王鐸敦武校尉

武階

行陽曲縣尉完顏斜

也橫渠修武校尉馬秉行

當里進士劉巨川智深喬瑋今縣志選舉不載可以此碑補之

後有太原進士任宇書丹卽撰英濟廟銘者金史地理志

陽曲鎮五有天门關百官志都憲使司注不及千貫之院

務止設都監一員今鐸結街止都監則天门關固不及千

貫之院務也方輿紀要天门關在太原府西北六十里此

碑所列陽曲尉完顏斜也陽曲縣志不載宜据碑補碑見

通志金石記

列石口題跋

二石第一石高一尺六寸六分廣二尺二寸四分史純跋
文二十行行十四字第二石高一尺八寸廣二尺二寸二

十三行行十八字
行書今在陽曲縣

列石題跋

天下圖籍祠廟稱呼以世代悠遠率多訛錯雖士大夫從而呼之況不在祀典者乎加以里俗無知不根出處往往恣其意說耳謂如江南有大小孤山以山勢孤聳得名而里人塑以龍女廟号小姑故宋人有詩譏之云山為孤獨字廟塑女郎形過客雖知誤時人尚乞靈河南府有谿口龍門此禹鑿山開河之處塑一武夫瞪目握刀納膝虎坐曰谿口大王廟訛謬如此真可笑也僕去歲蒙恩除陽曲令到任之初雨澤愆期有禱於英濟侯廟隨時雨足立碑以記靈異然而里人呼為列石大王語涉怪誕又無出處難取信於將來故碑內隨文疏說僕不肖無能錄此數事刊於碑陰庶幾博雅君

子覽之知所在訛謬事非此一塗也大定二年六月望日陽
曲縣令史純跋

大定二年夏六月宇自北歸方家居卧病端憂多暇有郡陽
曲令 史君見召且語宇曰子之邑有寶君大夫者此古晉
侯趙簡子之臣也廟當通德鄉北蘭里俗所謂列石神也然
何從得此名哉豈不以水出山腳里俗其是謂歟子悼其古
人英烈死而廟食於此其名氏湮沒甚無謂也且子以往歲
旱甚驕陽為沴竭誠口禱應時滂澍使焦者榮仆者起其享
誠也又如此可謂神乎予因邑政之暇盡錄其實因為之記
欲刻諸堅石垂之不朽煩子為我一揮其如何哉宇應之曰
夫事有寅緣理非朝夕自漢唐已來名公大夫宰斯邑者繼
踵不絕然不能為此豈非待人與時而後興乎且夫奔走仕

山左志稿卷二十一
途者或困於簿書之煩或泥於歌酒之娛孰有餘力而頌此
也耶今我

宰公當得志行道之際迥無此累而欲表古人之蹤迹揭古
人之名氏使章章然發揚於外則書丹之任固鄙人之所願
也公笑而謝之翌日書成因為之銘姑贊其實云

彼晉之山 有汾之水 白石巖巖 清泉泚泚 古寶大

夫 廟食於此 雲雨澤民 邈焉千祀 嗟民寃知 說

其名氏 遂令英烈 不能播美 我公哀傷 與之發揚

載稽典籍 藻繪文章 刻諸堅石 □錄尤詳 神其

允賴 永永彌光

按此爲金陽曲縣令史純英濟侯廟記之後跋所云江南
有大小孤山云云與金賈葵改修董池神廟記略同陽曲

縣志烈石山在縣西北四十里上建寶鳴犢廟附唐李頻
游烈石詩游訪曾經駐馬看寶犢遺像在林巒泉分石洞
千條碧人在冰壺六月寒時雨欲來騰霧靄微風初動漾
波瀾箇人若置羊裘叟絕勝當年七里灘是烈石之祀寶
犢自唐前已有之史純此跋以正俗呼列石大王之誤後
有太原進士任宇銘据此跋去歲蒙恩除陽曲令則以大
定元年任碑見通志金石記

太清觀牒

碑連額高三尺二寸廣一尺八寸二截上截牒文十三行
行字不等下截人名十九行計三列正書今在聞喜縣東
村宋

尚書禮部牒

平陽府都道錄特授冲和大師賜紫郭詡之狀告解州聞

喜縣美陽鄉宋村有道院一所自來別無名額已納訖合
着錢數乞立觀名勘會是實湏合給賜者

牒奉

勅可特賜太清觀牒至准

勅故牒

大定三年四月初八日令史向昇押主事安假權郭押

奉議大夫行太常博士權負外郎劉押

中散大夫行負外郎李

宣威將軍郎中耶律

侍郎

中奉大夫禮部尚書兼翰林學士承旨知制誥修國史王

宋千 樊智 辛道明 上王道人 宋榮 樂鎮 樊

越堅 宋七行者 郭用全 李彥 郭遜 王先 池

張澄 張孝忠 張澤 池張江 崔密 郭□ □□

王通義 梁福 王儀 張淵 油張直 張阜 樊

順 張海成 王文進 辛俊 西宋岳 宋俊 宋福

西宋度 □守忠 辛庶 宋寧 □守忠 □□□

呂妙堅 楊氏 劉氏 王氏 賈氏 王張氏 丁

張氏 丁楊氏 韓成 衛文進 宋定 李德 張守

忠 郭□ 郭俊 劉悟真 張守德 郭淵 王□

校碑爲尙書禮部准平陽府都道錄郭詡之狀告乞立觀

名牒特賜名爲太清觀据狀稱觀在聞喜縣美陽鄉縣志

載明初鄉名南曰美陽西曰涑川北曰晉源東曰清通是

美陽者明初沿金時之舊也校大定初年寺觀納錢請賜

名額之事金史不載萃編云陝西省得十四牒只載高陵莊嚴院牒一石并云牒內官旣無名可攷亦無文字可傳姑從刪削又據同官縣靈泉觀記大定初王師南征軍須匱乏許進納以賜宮觀名額以爲證今山西石刻得聞喜臨縣各二芮城猗氏潞城壺關鳳臺趙城各一共十牒大定三年趙安上撰龍巖寺碑有云方今真主應期尊崇釋道乃敕天下郡邑無名額寺院許令請買與靈泉觀所言同金史食貨志大定五年上謂侍臣曰頃以邊事未定財用闕乏自東南兩京外令民進納補官及賣僧道尼女冠度牒紫褐衣師號寺觀名額今邊鄙已甯其悉罷之是五年停止此例之證而刼始於何時史無明文大定己丑大雲院記云正隆中遇國家降賣名額詣官投狀納緡賜大

雲敕額是納錢買度牒師號寺觀海陵實先行之今見石
刻者皆大定二年至四年中所給直隸山東河南均有之
萃編止得陝西十四牒疑其制獨行於陝西誤矣聞喜太
清觀大雲禪院鳳臺普照禪院壺關福嚴院均云已納訖
合著錢數而無數目潞城集仙觀云折納粟金一百貫芮
城福智院云納錢一百貫臨縣普照禪院云折粟七十二
石三畝五升準省錢一百貫臨縣慈雲院云見錢五十五
千米二十八石準省錢四十五千各牒不同今按此牒與
莊嚴寺牒亦無甚異惟彼處納錢三百貫明著其數而此
不言又彼乞立莊嚴禪寺名而此只云乞立觀名似莊嚴
二字爲下所自擬又無某府發賣所五字萃編所云牒式
不一卽此類也所列街有奉議大夫行太常博士權員外

郎劉中散大夫行員外郎李宣威將軍郎中耶律侍郎中
奉大夫禮部尚書翰林承旨知制誥修國史王金史百官
志禮部尚書一員正三品侍郎一員正四品郎中一員從
五品員外郎一員從六品金大定初爲太常博士禮部郎
中尚書者以金史攷之劉璣傳大定初爲太常博士伊喇
道傳大定二年除工部郎中招撫諸奚降博索改禮部郎
中金伊喇履元遺山集作耶律履此伊喇亦疑當作耶律
文翰傳王兢字無競彰德人天德初轉翰林待制遷翰林
直學士改禮部侍郎遷翰林侍講學士改太常卿同修國
史擢禮部尚書同修國史如故大定二年春從太傅張浩
朝京師詔復爲禮部尚書兼翰林學士承旨修國史四年
卒則大定三年正兢任禮尚時又明楊慎升庵外集云金

燕都宮殿寺廟及汴京諸榜古今第一皆王無競書是無競又以能書名萃編以爲無可考亦未確再據莊嚴寺牒每官下俱有押字此牒令史主事員外郎有押餘官無碑見通志金石記

龍巖寺碑

碑高四尺廣二尺三寸二分二十三行行四十九字正書今在陵川縣西南二十里雲川鄉義泉里

龍富寺記

鄉貢進士天水趙安上撰弟洙書丹

故宜義郎趙侑孫前進士趙稷篆額

摩騰入漢夢符明帝之靈僧會歸吳瑞應

如來之跡事蓋聞於西域化乃顯於東土由是釋教大揚精藍肇建爰作歸依之地斯爲清淨之門茲者古寺其來久矣

尚有碑刻事跡宛然更大齊而蓮宮再立厯有唐而石像新鑄干戈之後年代綿遠難以備載有故鄉錄翁秦孝劬率衆而修飾之迨

皇國開基修文偃武海宇謳歌因此而嚮善之徒滔滔皆是衆議欲建大殿以遺址狹隘艱於修完下有桑田昔為吾家祖業至天會九年辛亥先祖父趙卿暨叔礼施為金田繼而我先人慨然而為首并維那常祐等十有二人鳩工哀旅協力同心伐木疎左右之林運土塞往來之路乃命公翰設矩匠石揮斤極開橐籥之聲繁有登之喜不踰於歲已即其功勢極聳飛威加壯麗越甲寅以慶其成方今

真主題期尊崇

釋道乃勅天下郡邑無名額寺院宮觀

許令請買先人聞之忻然乃告於衆曰昔者伊予祖先嚴飾

聖像迄今方隆雖歷年而愈久徒沒世以無名則為子孫者
宜乎繼志而述事可不潤色以成其勝果哉遂請靈泉山聖
威院僧普懿師俗姓秦氏乃本村秦範之子自捨俗棄家落
髮之後經論明悟才識高遠善誘化人真法界之傑出也方
議承買先人不幸至於大故未滿斯願師悵悵不已發以誠
心得故鄉錄翁常克之子常謹公且卑辭謙讓以不獲固拒
乃慰其懇請復以師為化緣首紮眾善友得維那二十有八
人眾議僉同請吉祥北院僧惠通為副院及本郡洪福院沙
門僧智遠住持是寺同共化人無不喜捨咸樂其訓及自來
居民有徙於異鄉者率皆惠然而來為之題疏去歲飛蝗入
境傷害田穉私不穫者太半兼運司預借三季租稅咸赴陝
西以輸軍糧往復驅騷三千五百餘里比年不登米碩伍千

黎民屢困於飢寒救死不贍茲惟艱哉則人皆鼓舞忻忭不以歲儉官輸為辭至癸未首春會檀越百餘人鳩錢三十萬無一家之或闕致使官中加以刑罰則不能也蓋亦

慈悲上聖所感如此越二月丁丑經詣本郡軍資庫輸錢三十萬兼經藏堂承買得賜曰龍嵒寺愚謂其鄉名雲川以雲從龍而變化不測又以里名義泉以龍得水而出入有時簷下曰嵒斬上曰崖以石嵒在宏堂之內而金谷居石嵒之中中選斯名當其實赫爾休聲配天地以弥遠昭然顯號同日月而不衰種種善根綿綿福地蓋有緣矣不其偉歟後倚靈池善瀆濟民之水前瞻仙洞能為救旱之霖東有喬松勢訝飛龍西多怪石形疑伏虎然雖密迓孤村而林木陰森堂宇深遠如在塵表則西方世界不出其中矣安上久廢詩書

少知學問不揆斐然姑紀其年月耳于時

大金大定三年歲次癸未四月辛酉朔戊辰日立石

承直郎行主簿兼知縣尉飛騎尉賜緋魚袋周允忠

承德郎行縣令飛騎尉賜緋魚袋任宿

石匠秦達甲允刊

校碑題鄉貢進士天水趙安上撰弟洙書丹故宣義郎趙
侑孫前進士趙稷篆額澤州府志趙安上洙兄陵川人大
定中鄉貢趙洙天會中鄉貢陵川縣志金趙侑宣義郎碑
云古寺有碑刻更大齊而蓮宮再立歷有唐而石像新鑄
是此寺創於北齊以前又云天會九年辛亥祖父趙卿暨
叔禮施爲金田繼而我先人慨然爲首并常祐等十二人
鳩工襄旅越甲寅成方今眞主題期尊崇釋道乃勅天下

郡邑無名額寺院許令請買云云與太清觀同時承買攷見上碑云去歲飛蝗入境傷害田穉秋不穫者大半兼運司預借三季租稅咸赴陝西以輸軍糧往復驅三千五百餘里比年不登米碩五千黎民屢困於饑寒救死不贖云云金史五行志大定三年二月中都以南八路蝗世宗紀大定二年三月圖克坦喀齊喀敗宋師於德順州七月壬戌陝西都統瑋敗宋將吳玠於張義堡其云預借三季稅米碩五千皆可補史闕是年金宋交兵陝西故碑有赴陝西輸軍糧語碑末所題官有承直郎行主簿兼知縣尉飛騎尉周允忠承德郎行縣令飛騎尉任宿据碑皆以大定三年四月任可爲考晉故者之助允忠又見古賢寺懺勒殿碑碑見通志金石記

普照禪院牒

碑高一尺五寸八分廣一尺九寸九分十
三行行字不等行書今在鳳臺縣巴公原

尚書禮部牒

澤州府口口寺受業僧惠壽狀告口口員本州晉城縣北巴
公村佛堂計壹拾貳間已納訖錢數自來別無名額乞去
院名勘會是實湏合給賜者

牒奉

勅可賜普照禪院牒至准

勅故牒

大定三年五月初六日令史向昇

押主事安

朝請大夫行太常丞權員外郎劉

中憲大夫行員外郎李

郎中

侍郎

正奉大夫禮部尚書兼翰林學士承旨知制誥修國史王
押

校鳳臺縣志普照寺有二一在縣南六十里日院山一在
城北巴公鎮有金牒曰普照不詳所始校縣志云金牒者
卽此碑碑載牒文云本州晉城縣巴公村佛堂已納訖錢
數牒奉勅可賜普照爲額末有金大定三年五月六日字
是此寺賜額普照自金大定三年始又此碑所列禮部諸
官自員外郎下與聞喜大雲禪院猗氏太清觀芮城集仙
觀略同聞喜大雲禪院大定三年六月牒員外郎劉署街
爲奉議大夫行太常博士員外郎李爲中憲大夫郎中耶

律上有宣威將軍此牒無金史百官志正六品下曰奉議大夫從五品上曰朝請大夫正五品中曰中憲大夫從五品中曰朝散大夫今此牒劉署朝請李署中憲視聞喜大雲禪院牒銜皆有進聞喜牒有中散大夫金志無疑當爲朝散碑見通志金石記

福智院記

碑分三截連額高三尺一寸廣一尺四寸五分上截聯會十四行行四字中截九行行字不等下截二十二行行十二字均正書額題四字篆書今在芮城縣

尚書禮部牒

解州芮城縣劉一奇狀告有親姐姐尼福志於本縣郭下修到觀音堂一所自來別無名額已納訖合着錢數乞立院名勘會是實須合給賜者

牒奉

勅可特賜福智院牒至准

勅改牒

大定三年六月十八日令史向昇辨主事安假權官押

奉議大夫行太常博士權員外郎劉

中散大夫行員外郎李

宣威將軍郎中耶律押

侍郎

中奉大夫禮部尚書兼翰林學士承旨知制誥修國史王

解州芮城縣

近據本縣尼福志狀告先□屋妙能同經都綱司告乞納

錢一百貫文承買郭下自來脩到無名額

觀音堂一所蒙具解申過州衙照驗福志與妙能已將合納錢數赴軍資庫送納訖申過出賣所轉申經印

尚書禮部請到

尚書禮部牒奉

勅特賜福智院牒內別無妙能法名縣衙尋勾到妙能□得狀稱與福志同共出錢買訖無名額觀音堂請到勅牒內並無妙能法名縣衙照得妙能所說與福志□□並同合行出給者

右今出給公據付妙能收執准此

大定三年七月十二日本行張鈞

簿尉

聞印

明威將軍行解州芮城縣令徒單

押

校碑前列牒文與聞喜大雲禪院猗氏太清觀高城集仙
觀同年爲大定三年六月十八日後列本縣尼福志狀以
與尼妙能同經都綱司錢一百貫而勅賜福智禪院牒並
無妙能名縣爲出給公據付妙能收執此必當時納錢賜
額者得主持寺事故福志請給妙能公據爲憑所云已將
合納錢數赴軍資庫送納訖金史百官志隨府節鎮作院
使副或置一員或以軍資庫兼之此諸府節鎮皆有軍資
庫之證末列明威將軍行芮城令徒單押無名今縣志亦
闕徒單 欽定金史作圖克坦金之大姓又明以後階名
率爲封贈之用金則有以武階而爲文職者不列其階則
出身之爲文武不可知此稱明威將軍則以武班入仕者

太清觀牒

碑高一尺四寸三分廣二尺五分十五
行行字不等行書今在猗氏縣城內

勅賜太清觀額牒

尚書禮部牒

河中府天寧觀道士李敏修狀告猗氏縣郭下有修蓋到
北極三清殿等觀舍一所自來別無名額□□□合請□
敕乞立觀名勘會是實須合給賜者

牒奉

勅可特賜太清觀牒至准

勅故牒

大定三年七月□□□□吏□□ 主事安假權官

押

奉議大夫行太常博士權貞外郎劉

中散大夫行貞外郎李

宣威將軍郎中耶律押

侍郎

中奉大夫禮部尚書兼翰林學士承旨知制誥修國史王
知觀道士李敏修立石

道士王□□□石

道士雷子固同立石

按碑刻尙書禮部牒文以河中府天甯觀道士李敏修狀
猗氏縣有三清殿等觀舍一所乞賜名額敕賜太清觀額

而立今猗氏縣志太清觀在縣治東南金大定中建明洪武初

併天甯萬壽清眞三觀今塌本牒尾有大定三年七月文

入焉置道會司於內
與縣志大定年建合所列諸官有太常博士權員外郎劉
行員外郎李郎中耶律侍郎禮部尙書兼翰林學士承旨

知制誥修國史王與解州聞喜大雲禪院牒畢同額下有
闕文以大雲禪院諸牒例之當爲納錢訖等語碑見通志
金石記

謁無盡居士祠堂詩

碑高一尺五寸二分廣一尺七寸二分七
行行八九字不等行書今在壽陽縣方山

謁無盡居士祠堂詩

依然繪象暮山空妙字分異與同休泗舊口真自得雲曹
別派復何窮市朝誰識生前趣名字猶存身後功若問先生
無盡意春風已過又秋風

奉謁 無盡居士祠堂

因頌以記其來癸未仲秋王雷 孟山宋壽摸刊

按無盡居士卽張商英王雷祁縣人見壽陽縣志袁宇訪

碑錄方山王雷謁無盡居士祠堂詩大定三年今碑刻有
癸未字按卽大定三年詩亦見今縣志碑見寰宇訪碑錄
通志金石記

硤石山福嚴禪院鐘識

鐘八面面高一尺五寸廣一尺八寸每面十行行
十二三字不等正書陽文字徑七分今在鳳臺縣

硤石山福嚴禪院

始自北齊天保年中曇始禪師創立道場距大金大定之歲
年將六百中間高僧碩德相繼興葺朱甍紺宇像設經詰罔
不具備唯無法鍾警悟情識今有論師惠珍特發濟苦利生
之意不憚勞苦命良工鑄成以補寺之不足誠可嘉尚古賢
谷禪林院講論僧聞悟為之銘曰

第一面

寺唯欠鍾兮 鑄金以成 絕壁深林兮 錚然奏聲

大千普聞兮 賢聖聚靈 鏗鉉長應兮 睡破無明

三陰遠震兮 苦輪便停 菩提種性兮 聆音發萌

呂茲功德兮 利樂有情 天子萬壽兮 國人永寧

大定三年歲次癸未十一月甲子二十七日甲寅記

弟二面

管內都綱沙門善詒儒林郎晉城縣簿尉陳師顏朝奉大

夫行晉城縣令鄭崇承事郎軍事判官薛懷祖明威將軍

同知軍州事□□蓋□里中散大夫澤州刺史兼知軍事

曹充

弟三面

檀越高都景德寺僧普燈普存普宣宗宝宗信

宗珠宗才洪照妙果院尼清海母董善宝鋪頭李惠通山

頭杜崔宝郭壁杜母党男小五姪母黨母悟柳泉杜郭秀

妻陳氏積善村王珎梧桐村牛進牛閏為亡僧福完端氏

縣孔壁村女弟子李冲靖晉城縣王毅妻崔氏男念一在

州崔義妻孫氏男噪妻劉氏田莘妻張氏男念一妻楊氏

第四面維那法輪院主僧定澄定卞定朗端氏縣圓寂院僧

圓浴寶積院主尼趙宣水北村趙溫男趙衍等南霍秀邢
法正侯家庄張善宝孔亭南村吳志孟家庄焦法善山頭

社楊淨法弟淨教周村范維妻賈氏高平縣陳堰村李元

第五面絳州曲沃縣金火大鑑文千男文從善文廣成文在

昌道僧孫文道仙小鑑王通李用吳清劉宝匠人任通王

榮王政連忠施工瓦鍾棧匠人李寔李璋奉爲追薦亡父

李濟第六面法眷青蓮寺主僧宝寧福清宝通宝遇維摩院

僧法琮院主僧智岸青蓮廨院主僧崇信地藏院主僧崇

宝淨土院僧智遇禪林院主僧惠圓第七面知庫僧宝忠副

院僧宝誠院主僧福裕副會首僧惠宗都會首講論傳法

沙門惠珎尚莊僧洪澄善瑞本院小師寶詮寶順寶安寶

慶

弟八面

此福勝院鐘銘僧聞悟撰銘銘止二面餘皆人名序云自北齊天保中曇始禪師建立道場距大金大定之歲年將六百校曇始北齊高僧寺所由始拓本完善無闕通志金石記云有闕想拓工未精耳

福嚴院重修佛殿記

碑高四尺廣二尺九行行三十二字字徑八分額題重修佛殿之記六字均正書今在鳳臺縣

硤石山福嚴院重修佛殿之記

古賢谷禪林院講論釋 聞悟 撰并書

硤石道場其來尚矣爰自唐大順中有法師玄依誓就

遠公擲筆臺下築室棲息其徒相繼興造至宋崇寧間得大

師鑒繕修新易陋方見完備今僧福裕復顧密所創殿踈漏
欲壞乃於

皇朝大定三禩募緣重構輝華壯麗照映山林宜立碑石以
傳後裔裕來古賢咨懇請法親聞悟述其所以系以辭曰

荷歟遠公 僧中之龍 法嗣蕃衍 亶亶有功 乃至

福裕 能繼高風 重新寶殿 巧極良工 金碧光耀
人天順恭 磨石鐫記 昭示無窮

大金大定四年九月二十五日修造主持院事僧

福裕 立

師兄 惠杲 師弟福添 講經論惠玠 小師寶誠

寶忠 寶說 寶順 寶慶 寶宣 寶寔 師姪 寶

詮 寶安 寶詳 寶寂 師孫 洪思 堂衆講經論

道晏 洪澄 善瑞

法脊 青蓮寺主 寶寧 青蓮廨院主 崇信 維摩

院主 法琮 地藏院主 崇實 陵川縣古賢谷禪林

院主 惠圓 靈感院僧 文炳 寶應山聖感院 水

西社廣利院 高平縣淨福院主 法潛 龍泉院主

惠真 羊頭山清化寺主 淨善

院主 郭壁社母競 母黨 母迂 評事張琦 朱善

北霍秀 李全 張益 劉家郊劉順 劉遇 劉全

水東李寔 鋪頭社李惠通

金村河東社李僂 李彥 上莊社李忠 王權 蘇

和 白羊泉樊周 李榮 水西石忠 常翼

刊字李順弟小九 小十

此記福裕重修佛殿而作擲筆臺一統志青蓮寺在鳳臺縣東南三十五里峽石山北齊時建擲筆臺隋長教譯經法僧慧遠居此注涅槃經注成擲筆臺上曰若疏義契理筆當駐空旣擲果懸空不墮時人因以名臺宋名福嚴寺後改今額金時想仍舊名也金石記未著錄

集仙觀牒

碑高一尺四寸五分廣一尺九寸三分
十五行行字不等正書今在潞城縣

尚書禮部牒

潞州潞城縣當村住人史信等狀告自來本村有道堂一所別無名額今折納訖粟金壹伯貲乞立集仙觀信等請到天_寧觀道士王□□主持勘會是實湏合給賜者

牒奉

勅可特賜集仙觀牒至准

勅故牒

大定肆年閏十一月初一日令史向昇

押

主事口權馮

押

奉議大夫行太常博士權負外郎劉

押

中散大夫行負外郎李

宣威將軍郎中耶律

侍郎

通奉大夫禮部尚書兼翰林學士承旨知制誥修國史王
忠顯校尉行潞州錄事尚書戶部差委發賣度牒名額李
伯傑

節度判官

賜

管勾發賣名額等本司裴祚

書填名額

人裴亨

校潞城縣志元真觀在縣北四十里一名集仙金大定四年建府志云賜額元真今揭本奉勅可賜集仙觀爲額則府志誤碑所列禮部諸銜與聞喜大雲禪院猗氏太清觀芮城福智禪院皆同惟大雲禪院福智禪院皆言納錢一百貫此云折納粟金一百貫蓋金寺觀納錢賜額略如今捐例其納錢者如實銀捐例其云折納粟金者如同治中米捐折銀例

重修二仙廟碑

碑高六尺六寸廣三尺二寸三十分行七十二字行書今在陵川縣

重修真澤二仙廟碑

中散大夫前南京路兵馬都總管判官上騎都尉天水縣開國子食邑五百戶賜紫金魚袋趙安時撰

中靖大夫行潞州潞城縣上騎都尉太原縣開國子食邑
五百戶賜紫金魚袋王良翰書

鳳山居士程良佐篆額

竊聞一氣既判三境攸分上曰玉清聖境下通無色次曰上
清真境下通色界三曰泰清仙境下通欲界泰清神寶仙君
說洞玄十二部經教泰清十二仙天接引通方隨在顯化則
仙聖之道其來尚矣厥後天帝之女西王金母與九天玄女
上元夫人傳玉笈金書凡十二事有云阿環受書以來凡傳
六十八女子則文仙之流亦已久矣皆因宿植德本久種善
根世積良緣行滿功成方能飛昇金闕游宴玉京矣

真澤二仙顯聖跡於上黨郡之東南陵川縣之界北地號赤
壤山名紫團洞出紫氣團團如蓋故謂之紫團所居任村俗

姓樂氏父諱山寶母親楊氏誕降二女大娘同釋迦下降月
日二娘誕太子游門時數生俱類異不類几庶靜默不言七
歲方語出言有章動合規矩方寸明了觸事警悟有識知其
仙流道侶繼母李氏酷虐害妬單衣跣足冬使採茹泣血浸
土化生苦苣共待一筐母猶發怒熱令拾麥外氏弗與遺穗
無得畏母播楚踏地凌競仰天號訴忽感黃雲二娘騰舉次
降黃龍大娘乘去俱援仙服絳衣金縷綃以鸞鳳寶冠繡履
又聞仙樂響空天香馥路超凌三畧直朝

帝所大娘仙時年方笄副二娘同昇少三歲許貞元元年六
月十五田野見之驚嘆瞻顧遠近聞之駭異歆慕聲播三京
名傳九府豈比夫為雲巫山凌波洛浦兩妃企舜於湘川二
女解佩於交甫雖姮娥月奔弄玉鳳蕭皆不足以儔遐蹤而

躡高步也遂於南山共建廟宇迄今洞口留其手痕村傍老
其鑱樹琵琶泓之聖字了了可親自後赫靈顯聖興雲致雨
凡有威求應而不拒亢旱者祈之遙見山頂雲起甘霖必霑
疾病者禱之立覩紙上藥零沉痾必愈求男者生智慧之男
求女者得端正之女苟至誠以懇祝必隨心而畀予至宋崇
寧年間曾顯靈於邊戍西夏弗靖久屯軍旅闕於糧食轉輸
艱阻忽二女人鬻飯救度錢無多寡皆令饜飮飯糗雖小不
竭所取軍將欣躍二仙遭遇驗實帥司經略奏舉于時取旨
絲綸褒譽遂加封

冲惠冲淑真人廟號真澤歲時官為奉祀勅功豐碑至今猶
存正所謂載在祀典有功於國與民者也先是百年前陵川
縣嶺西莊張志母親秦氏因浣衣於東南澗見二女人服純

紅衣鳳冠儼然至澗南弗見夜見夢曰汝前所覩紅衣者乃我姊妹二仙也汝家立廟於化現處令汝子孫蕃富秦氏因與子志創建廟于澗南春秋享祀不怠自爾家道自興良田至數十頃積穀至數千斛聚錢至數百萬子孫眷屬至百餘口則神之報應信不誣矣逮至

本朝皇統二年夏四月因縣境亢旱官民躬詣本廟迎神來邑中祈雨未及浹旬甘雨霽霽百穀復生及送神登途大風飄幡屢進不前莫有喻其意者乃託女巫而言曰我本廟因紅巾殘毀人煙蕭條荒蕪不堪今觀縣西靈山之陰鬱秀幽寂乃福地也邑眾可廣我舊廟而居之靈山東北高自龍門尖西南橫抵栖鳳掌岡巒坡陀小頓大起屈曲奔騰有龍蟠鳳翥之勢因栽松數百株今進小松百千株矣其廟之東南

溪石壁有甘泉飛流漱玉瓊珠琅琅然若鳴琴環佩之聲宋
秘書學士張文潛曾作文以記之名曰響泉其山靈水秀草
木蓊勃真神山所居之勝境也張志子權與子姪舉慈等敬
率神意又不忘祖父之肯基乃率諭鄉縣增修澗南之廟未
及成而權化權之子舉與姪愿等從而肯構之先捨淨財次
率化於鄉村及鄰邑于時神赫厥靈處處明語近者施其材
木遠者施其金帛有願施糧食者有願施功力者無有遠近
咸雲奔而霧集不數年而廟大成重建正大殿三間挾殿六
間前大殿三間兩重簷梳洗樓一座三滴水三門九間五道
安樂殿各一坐行廊前後共三十餘間舉之堂兄閭獨辦後
殿塑像堂弟椿等重醴瓦前殿其諸廊廡各有塑畫像其樓
殿崢嶸丹青晃日遙近來觀者咸歎其雄壯偉麗左右神廟

無有出其右者其植越增修之意猶未已將見廟宇增加永
千祀弗墜矣舉等屢求作文以紀其實僕以奔走仕途不暇
搜訪遺跡至天德四年四任太常職事於寺局檢討舊書偶
見二仙墨碑乃唐乾寧年進士張瑜所撰其略云羅神之曲
紅裳繡履係是本身方信昔年張權祖母所見服純紅衣者
乃真容也其碑文又云歲儉求之即豐時旱禱之即雨違之
者災禍交至順之者恩福俱興益知神之靈應福善禍淫昭
然有驗矣其末又載旣仙之後葬父母之五瑞惜乎先傳道
史遺逸而不載本廟古碑又多散亡其本因略見於唐之墨
碑故併序于後

神地面東至修墳到南北天河東楞至張灝西至墳埕外
張灝井出入道北至大河南至高崖內裁到諸雜樹木係

神所管施主張通

麒麟殿維那小張琳等

大定五年九月二十有八日鷄鳴鄉魯山村南莊重修真澤廟都維那張舉同化緣人趙達立石

從仕郎主簿兼縣尉高德裔

忠武校尉縣令雪騎尉李彥說

石匠秦衍 申彰刊

按碑題中散大夫前南京路兵馬都總管判官天水縣子趙安時撰中靖大夫行潞州潞城縣太原縣子王良翰書鳳山居士程良佐篆額陵川縣志趙安時字全老號東岡貞元中狀元及第官中順大夫南京路兵馬都總管上騎都尉承定軍節度使天水縣開國子據碑則大定五年安時官南京總管判官而勅封悉與志合疑志有誤安時陵

川七狀元之一今祀鄉賢金史地理志南京路國初曰汴
京貞元元年更號南京碑立大定在貞元後故安時得爲
南京總管判官縣志真澤二仙廟在西溪金狀元趙安時
記卽此碑碑所云樂女事多不經惟所云皇統二年四月
縣境亢旱暨宋祕書學士張文潛魯泉記唐乾甯二年進
士張瑜所撰二仙碑皆可爲考古者之助瑜撰碑今尙存
見卷六碑末題官有從仕郎主簿兼縣尉高德裔忠武校
尉縣令李彥說縣志失載以立碑年證之德裔彥說皆以
是年任高德裔見五鳳魯孝王石刻署銜朝散大夫開州
刺史高德裔曼卿記在明昌二年相去二十六年卽此人
縣志靈泉山西南十里山有靈泉卽碑所云靈泉碑是也
碑見通志金石記

晉陽里湯王廟記

碑高三尺四寸三分廣一尺七寸七分
二十行行四十八字正書今在陵川縣

大金國澤州陵川縣普安鄉晉陽里重建湯王廟記

德澤流於民深風教被於世厚則萬世無窮之日人仰而思之曰古之有道之君而不可忘也惟天生民有欲無主乃亂惟主聰明惟民時又蓋王者民之倡上者下之儀民聽倡而應下視儀而動一治一亂一善一惡寔由上之所為而下之所攸苟非成德之君子惡能治世之宜乎夫王之為王也不以土地之廣狹人民之眾寡修其道行其義鑒茲治亂明乎善惡興天下之同利除天下之同害明禮義以道之致忠信以愛之以德行仁以寬治民而民之歸仁也猶水之就下猷之走壙然而卒有天下其成湯之謂乎故湯以七十里之地

而得天下以國齊義一日而白非權謀之所事而利澤之所厚也蓋湯之始征自葛載十一征而無敵於天下東面而征西夷怨南面而征北狄怨曰奚為後我民之望之若大旱之望雨也當是之時有夏昏德民墜塗炭天乃佑命成湯降黜夏命以救其民於是攸徂之民室家相慶曰俟我后后来其燕豈非克寬克仁應天順人之所致邪易稱寬以居之仁以行之有君之成德而至於此詩頌何天之休何天之寵則美成用利無以加焉禮之所記湯以寬治民而除其虐去民之留有功烈於民者也迹其所記後世宜有祀焉觀今天下國家郡邑鄉里皆立其廟信乎德澤風教之深厚也世雖去遠仁焉得忘然祭有其制而民有其誠則神亦所享焉澤之陵川之東十里北山之上有湯王廟邑人享祀口於今日遍詢

耆舊□其石刻□□立之歲月之始天聖間重修其殿景祐
中增修廊廡五道殿其山之高四顧豁然宜為廟之所立年
祀寢遠廟貞廟時因祀事彷徨不忍去今有里人某太原
郡王永進等率會其屬眾繕召工繼而復新始於元豐癸亥
終於甲□殿已備塑繪已周請執中為記義不能辭乃書其
成功之日及告其作廟之意夫神依人存人賴其福至誠感
神無為煩息祈報欽慎以聞來者時元豐七年九月戊戌朔
二十有二日戊午

長平趙執中舊撰 本庄化口食神童張氏

嘗大定五年歲次乙酉十一月戊子朔二十八日癸酉本
庄稅戶申大重立

四堰村趙宣施石

延川天水布衣趙夔篆額

同申大門館樂安任甫書□姪男李□ 男小二 本邑

路城村儒術忝習翰林扶風馬斯木 平城村知鄉事楊

顯 申大男申□ 申著 三教村知鄉事李勝 安陽

村紉司牛山

從仕郎行簿尉高

忠武校尉行縣令李

高平縣下石末村石匠李一刊石

校碑記爲宋元豐七年長平趙執中撰陵川縣志執中高
平人文載今志此碑爲金大定五年本莊稅戶申大重立
末題天水布衣趙夔篆額樂安任甫書碑末所書村名有
路城村平城村三教村安陽村平城三教並有知鄉事名

日可爲考金代掌故之助所題官有從仕郎行簿尉高忠
武校尉行縣令李名皆闕以真澤廟碑考之高卽高德裔
李卽李彥說真澤廟碑立大定五年九月二十八日題街
有從仕郎主簿兼縣尉高德裔忠武校尉縣
令李彥說此碑立大定五年十一月二十八日同一年相去止
數月階又並同故知卽其人

浮山寺鐘識

鐘八面十六段高一尺五寸廣一尺七寸五分每面行不
一字亦不一正書陽文一面大字徑三寸餘面字徑八分
在平定州

奉爲皇帝萬歲重臣千秋法界□□同登行□段第一威將

軍行縣令□□□□□□□□□□奉直大夫前縣令

馬騎尉□□□□袋王 文林郎行主簿□□縣尉解□

祥娘子劉氏等□□□□祁府小女袁□敦武校尉商酒都監

趙天水郡夫人王氏妻杜氏安公村貧慈院僧彥真系□化

緣僧彥全

第二段

榆次縣大鑒王慶忠任景孫外僧小鑒張□

□劉通太谷縣大鑒范□亨范榮外甥武夷男范□小鑒盛

彥平遙縣大鑒李青□□董真當村尅憚胡臻□□□

人張榮林□為二鐵匠閭慶食鑒郭澤□□工匠王□□

□□□□匠王□林榮匠□□□□□□□□□□

□□□□□□□□□□

第三段

下□万妻賈氏男韓春韓

傑孫韓肇劉庠母李氏嫂趙氏妻□□賽貞妻郭氏男蹇

□□澄□□遇李春張輔張□趙□吳□蕭德□真□

□□□□□□□林福傳彥趙福王□□□□□□韓

家賈氏高家郭氏□□□安家田氏常家張氏吳□□

王家□氏何氏張氏張□□魏家王氏□□□□□□

○第四段

○木李奇言徐憲趙法王○○○榮王渾司立王

胡○○○興劉慶鄭隱任全○○○興華王奇李立康明

○○○周榮張立王○○曹允○○○王清胡興任○陳留

佐仙王振胡誠賈厚馮興康合哥○○回僧任武○胡○康

長田里進士王寶頭

第五段

當村江王練具○○練友郎○馬

福胡權王瑞張甫徐贊○張寬司榮馬從江朝○○劉肇胡

元○○○○○○張興張浩○○○○○○郭恭趙遇郭

○○○○○○徐誠周子唐○○○○○○張廣王蒲胡○

○○○○○○

第六段

永安院住持僧善德童行普淨乳首都維

那張采男張誠妻王氏孫女喚兒孫男○○胡澄妻王氏男

胡德元妻陳氏梁氏男○王厚母馬氏妻趙氏弟朝王○男

王元王澤郭奇弟郭俊妻崔氏男郭保郭彥王○劉朝妻吳

氏弟□□妻胡氏男劉厚劉旺胡□妻王氏孫胡旺妻郭氏
女婆惜珍□胡□妻林氏男胡儀妻賈氏孫□□□郭□

□□氏妻劉氏女夫田朝妻郭氏男□□第七段北石村郭良

男郭朝郭厚薪亢薪童薪全薪彦胡具張誠張仲張彥□段

庄村胡誠張朝段廣段元胡元胡海□□王奇妻高氏楊信

賈□村魏□□庠魏奇魏武□□閻思村趙景王昱趙彥趙

□□□胡^卒王□□張武□□三交村曰政康家庄郭五康

□康□康惠賈德康□康□□□第八段□□□□村

胡儀趙壬張□□□胡□□□劉春胡三蔡□□□木胡□

□葵□張慶胡京□帶直合村王俊張祿王朝王祺樂榮賈

誠王慶王祥王明劉誠王直胡厚張奇賈三賈寶要厚劉二

郭□刁□郭敖要海王璣劉登胡立王正王容劉仙洪教院

僧智果三勝村武立李贊

弟九段

邑衆化緣人等徐誠康明

劉肇胡祥王聚司釗江聚郝敖王章郭璘郭□崔德王□□

全江全冷泉村崔□雷友□家門下薛氏韓□村王志三交

村李深李振草莊村楊□□楊千楊奇嚴村□□□□

□田□崔誠楊村□□□□□林劉錫賈福□□□□

□□志徐公村□□本縣劉□姪男劉德冲趙福男趙珪王

家莊劉真

第十段

寄□村劉俊妻任氏高真妻王氏高道妻王

氏高□妻蔣氏高□□郭氏賈家莊吳彥妻要氏賈□妻古

氏男賈輔胡慶妻劉氏男胡能姪男胡真胡千包家莊李彥

妻劉氏胡谷村李誠妻王氏男李宣李聚妻劉氏李玖母邊

氏李肇□□王強村張絨妻侯氏顏氏男張□妻□氏趙林

妻王氏男趙札□德妻梁氏趙京張氏要振男忠輔白信母

楊氏弟白皋要贅妻楊氏

第十一段

部落村張田賈全楊應傅

□楊成劉珪李升劉回賈忠賈正閭元劉厚劉孚賈寶賈厚
張選張德武俊王讓小趙真劉金溫元李章賈津大趙真張
全庫韓村李元郭章郝立郭仲張忠郭忠楊村閭忠西廳家
莊閭□閭端閭度平定縣天盛院僧妙□郭玉郭海

第十一段

郭

下助緣陳恩孫福傅彥趙劉掖部落村張□□劉朝康家
莊賈祐郭村張蒲賈珎長廣常村常展□常元賈吉孫寶孫
誠任立常德□村趙立妻傅氏□家庄胡憲胡聚胡忠吳貴
趙榮□門村吳志王立孫朝□定縣落□村曾古苗忠男苗
浩苗洪苗杜王俊王原吳福郭俊安立榆次縣專井村馬儀

第十一段

徐公村王厚王儀姪男王查胡□崔潤張朝劉暉王吳

趙成趙朝張德趙厚危元胡厚高海王仁段趙村趙儀趙德

趙才王聚劉□胡谷村韓遇李愈畢贊肥村賈全趙立賈顯
孟真賈□賈誠王滿趙才賈寬武真李湮許傑李聚董朝□
□□□武家門下張氏第十段□廷村賈辛張真張瓊程凡
張斌李原劉整李仙李立李奇程瓊景尚村興國院僧善真
趙元張□孟春張立賈朝郭肇郭存段王村盧皋妻胡氏男
盧璋平定縣下寨掌村趙開汪橋村陳友夏州村楊祐新興
張信樂平縣橫木村宋□□□氏東上村權輔□□□第十段
□□妻龔氏男司聚妻趙氏司元妻鹿氏副維那□母任氏
妻田氏男永住妻胡氏司朝世胡氏弟司權小十□兒六兒
拽兒合□郭章妻張氏男郭珪妻畢氏郭厚妻□氏胡慶母
王氏妻趙氏弟胡□妻武氏

大定六年□□丙戌

二月朔乙○○○記

浮山寺院主善閣

清涼寺僧清岩

弟十六段

此浮山寺鐘識八面十六方第一方云奉爲皇帝萬歲重
臣千秋法界關同登關十八大字餘皆人名無銘文浮山
一統志浮化山在州東十五里一名浮山內有要姓攷要
氏廣韻引姓苑吳人要離之後張澍姓氏尋源云今山西
多要氏當係元臣要東木後然唐書傳有要廷珍此鐘識
內有要厚要海要張要贊均在要東木之前是山西此姓
本多不得盡謂要東木後也

海會寺宴集詩碣

碑高一尺七寸八分廣四尺二寸三
十一行行十四字正書今在陽城縣

晏自淇園受代來陽城省親

家兄而適以事趨州因拉何良知楊嗣卿鄭德光劉邦美
相過於此縱觀壁間諸公詩有以竹徑通幽處為韻者遂
用下五字禪房花木深各賦一篇以紀其來大定五年四
月四日李致美題

得禪字

何慮

槐柳陰陰首夏天閑門塊坐正蕭然忽蒙闌友邀為伴來訪
蓮宮一問禪粉著衣襟穿翠竹冰生齒頰漱寒泉晚來更看
前山雨共借西軒對榻眠

得房字

楊之休

碧玉千竿蔭薜牆水聲山色近禪房一軒疎雨僧碁靜滿榻
清風客夢長隔葉幾聽溪鳥弄媚盤尤覓野蔬香賦詩把酒

龍泉上共掃餘花坐晚涼

得花字

李旻

地僻人行少溪深路趁斜
解鞍投翠篠倚杖問黃沙
石罇涓流水林梢卧晚霞
此心機盡矣何必染衣花

得木字

鄭暉

吾儕愛山水乘興游金谷
修竹蔭寒泉層巖排古木
風軒盃暫把花院碁終局
晚雨更多情留人成夜宿

得深字

劉廷彥

凌晨策蹇從知音來謁龍泉溪
路深一派寒泉通亂石萬竿
修竹轉幽禽虛簷列坐碁酣戰
小徑閑行酒旋斟珍重老僧
延倦客清談疊疊滌塵襟

大定七年五月五日主僧宗祐立石

郭方書

劉嵩刊

按碑因李旻題詩而刻前有序云旻自淇園受代來陽城
省親家兄而適以事趨州因拉何良知楊嗣卿鄭德光劉
邦美相過於此縱觀壁間諸公詩有以竹徑通幽處爲韻
者遂用下五字禪房花木深各賦一篇以紀其來大定五
年四月四日李致美題金史李旻傳字致美澤州高平人
皇統六年登進士第調岳陽丞再轉遼陽府推官歷中牟
令補尚書省令史爲衛州防禦判官世宗召應奉翰林文
字所謂淇園受代者當以此時又中州集旻唐順宗第十
六子福王綰之苗裔皇統二年經義進士釋褐臨汾丞與
傳不甚合中州集在先或較信歟

又諸安府志李旻曾除
黎城令修崇學校舉行

鄉飲使民知義還保德刺史世宗識其才召今碑刻五詩
用之則又史與中州集所未及者可以互證今碑刻五詩
卽序內四人合晏而爲五也按詩鄭暉一首尤佳有唐柳
柳州韋蘇州孟襄陽風味蓋清而能腴爲詩之上乘暉又
見潞公軒記碑題詩結銜爲金學士暉又作輝或卽其人
陽城縣志龍泉寺在縣東三十里龍泉之側一名海會唐
乾甯元年建初名郭峪院蜀僧順敏增修後賜額龍泉禪
院志又有金李晏何慮楊之休鄭暉劉廷彥海會寺詩碑
在寺中等語卽指此碑而言碑題郭方書

普照禪院碑

碑分二截連額高三尺四寸九分廣一尺五寸七分上截
十三行行字不等下截二十五行行二十五字止書額題
勅賜普照禪院之碑
八字篆書今在臨縣

尚書禮部 牒

石州定胡縣上招賢村稅戶□□寺狀告本村院自來別
無名額已納訖合着錢折粟柒拾貳石叁斗伍升准省錢
壹伯貫文乞立普照禪院名勘會是實湏合給賜者

牒奉

勅可特賜普照禪院牒至准

勅故牒

大定四年六月 日□史向昇 主事安假 權官 押

奉直大夫行太常博士權負外郎劉

中散大夫行負外郎李

宣武將軍郎中耶律

侍郎

中奉大夫禮部尚書兼翰林學士承旨知制誥修國史王

石州定胡縣上招賢村普照禪院記

大矣哉我佛之垂慈也化導群迷稱揚妙理天地造化乎陰陽日月盈虧乎寒暑大則提諸善惡細則比於恒沙巍巍罕測杳杳難明至道起於軋元衆妙生乎太易拔四生於苦海流三藏之秘言含識萬端弗可盡述斯古寺者自漢天會年主僧惠密修崇綿歷歲久至唐軋符年維那楊君綵等崇修未備想遇明勅可做蓮宮至若碑記尚存在焉

本朝大定四年有當里入土俗士華嚴邑樊彥李厚賀權高祥高玘然止俗塵常規梵剎摘己財產募衆有緣復能協力所謂莊塑圖畫竝選當時良匠名手錢用諸費固不鮮矣有心肯構增益修崇奈何力不足耶偶

朝廷許諸人進納名額李村劉聚樊志史札樊仙趙宋任良

式仙賈願同助納粟數尚不及而備自足納訖不期

勅額獨得填名後准

勅可特賜普照禪院拾財契

清淨之智獲無漏解脫之因善念生而無數潛臻惡業生而隨緣皆墮有頂之風不可壞無涯之水弗能漂綫五年一日惠然相訪以是因緣孜孜祈禱山野衰殘命在呼吸豈當長久歸着於何住持誰也願師記其所以然者刊勒翠_綫庶幾朝昏焚誦上報

皇恩難逢難遇 賜額之恩相傳後世守先之人素志它日增修成就一段因緣作大佛剎自有主僧巋然立石求諸高名達士大筆雄文傳于不朽計其始末光揚千古於茲役何幸焉命山僧書勒惶恐不揆慚悚計其歲月云

大定九年歲次己丑六月丙戌朔十五日庚子昌化僧寶

月記

都維那樊彦 李厚 賀權 高祥

同助緣高受 劉聚 樊志 史礼 樊仙 趙越 任

思 武仙 賈顏同立石

玉亭趙軻刻 石匠劉諒

按臨縣志普照寺城南八十里在招賢鎮與此碑招賢村
合碑前刻石州定胡縣上招賢村告本村院自來別無名
額已納訖合著錢折粟七十二石三斛五升准省錢一百
貫文此金大定時粟折錢之數又云乞立普照禪院名勘
會是實合給賜者與太清觀等牒同後列僧寶月普照禪
院記碑云斯古寺自漢天會年修至唐乾符年崇修按天
會北漢劉鈞年號在唐乾符後石州定胡縣无省入石州

明醴歷二十三年
改石州曰永甯
方輿紀要永甯州定胡城州西二十里

以此碑及宋明靈廟碑證之則今臨縣又兼得宋金定胡縣地

靈源公廟記

碑高四尺一寸廣二尺四寸二十八
行行五十三字正書今在平定州

靈源公廟記

里人王覺撰

張演書

黑水靈源公者本叔虞遠裔靖公之臣世忠于晉後有三卿
所逼神化於斯山之陽并列黑泉厥靈於赫召雲致雨澤潤
生民歲餘二千祀事愈光惜乎歷世已遠石刻無存質諸父
老通稱為晉世名卿血食之所但居民悉能歷歷而言之政

合祭法然推其意則古之建立祠廟多依山林而卜宅焉如晉侯之於晉溪賈鳴犢之於列石狐大夫之於却波山此其類也蓋古之聖人之制祀也豈輕意哉必法施於民則祀之嗟乎屢因革命爰及干戈五代已來昭昭可紀有唐而上莫能具述昔周世宗之儲貳也敗於上蔡馬羅溝滄神或翼而出之從而詢之則曰臣廣陽邑西嘉山黑水神也世宗誌之蓋廣陽者平定之故号也逮乎顯德二年京師巨旱望秩茲神脩成嘉澍詔封為嘉應侯至宋仁廟時趙崇班為守至和三年正月登樓閣呵喝之聲迴視西峯旌旄隱顯命吏覘之乃公華廡之繪象也自時厥後所等必應奏還曰善應侯元豐戊午魃虐如焚朝廷望祀羣神乃以紅綿敷座尺餘前設盤机枚卜之曰神先應者顯其象於是公之神位綿若坐跡

而露珠疑轉從而禱之霈然雨足詔封曰普澤侯移戍郡旱
仕民資水導暨南城偃嘉何為大沼潁史牧童二三子自山
之陽覩黑虵之東行詣池徑達於香机衆駭曰斯龍現也蒲
市旣出葵香人忽西顧片雲起於嘉山之上抵暮雨足至徽
宗朝太守張穎政通神明有禱必從奏遷為靈源公乃今徽
号也張君後典美郡而遽早張命健步移書于公吏抵辰而
奠方雨復得報章于貢按獲貫兔於井側吏歸美牧啓封委
曲之外仍日以錢一緡良惠來介張牧駭然因繪象而事之
如此明靈烏可勝紀是皆洋溢衆耳簣鼓與言者也嗚呼乱
羅瘼矣銘誌泯焉以古證今理亦宜耳曩日每遇亢暘仕封
瓶於貢案推誠再拜聖水自盈迎詣之鄉從而降雨天會丁
巳巨旱太守耶律志詣祠祈雨旣獲聖水移於西城靈顯廟

臺與衆禱祀俄有黑蛇自門徑入升机歆香火老僉曰此黑
水神也宜加虔敬太守命去之倏然不見雷電晦暝降雹注
雨舉三門虹樑而擲其蚪于軍營櫟宇依然迄今或致敬則
頂帳有啼神欲為雨龍見于井大定九禩夏極亢暘時感貳
政權郡蒲察州倅完顏季夏望日迎水于東園同衆虔祈翌
辰雨足滿郡忻然而鼓舞仕民咸賀帑陌万竿積日未間也
尚矣哉其為人也以死勤事其為神也能禦大災宜乎豐隆
烈缺常為清馭以警途牲醴粢盛千古豐稔而典祀者也郡
人感其神祐傷其無文囑余以記之不敢臆說採其廟主十
餘代之遺文乃紀之故為銘曰

緊神之靈 享於克誠 神能格天 弗為胡成 寒暑
合節 視遠惟明 若歲大旱 至析澤盈 五穀豐實

感神之德 幸身有衣 而口得食 本固邦寧 依
神明克 乃聖乃神 昭然利國 仁即福之 惡即禍
之 孤窮伶之 無過遂之 給神役也 充上湏之
槁然凶歲 化為豐時 仍濟暴痾 所禱咸利 百代
芳銘 兵火遺棄 贊囑萬篇 樑楹懸茲 逋寇擊焚
孰紀其事 生為忠臣 殞為至神 奇祥萬端 一
無所陳 祀典弥隆 功德日新 歌舞不足 刻於貞
珉

大定玖年拾月念玖日

忠武校尉前同知軍事蒲察吳中表謝 立石

奉信校尉平定主簿兼縣尉趙道

承議郎行平定縣令賜緋魚袋任守

修武校尉軍事判官完顏達古

鎮國上將軍同知平定軍事護軍移刺荅撒口

輔國上將軍知平定軍事護軍開國侯溫特痕德口

按碑題里人王覺撰張演書碑云嘉山黑水神周顯德二

年封嘉應侯宋仁廟時趙崇班爲守至和三年正月奏遷

善應侯平定州志職官趙崇班宋至和三年知平定州

原注

至和無三年或云政和存考宋史本紀嘉祐元年九月辛卯大赦改元

按是年於九月改元則八月以前仍爲至和三年又趙崇

班据史志則崇班爲官名

宋史職官志新官修武郎舊官內殿崇班非人名金

史地理志平定州中刺史本宋平定軍大定二年升爲州

是在宋爲軍非州

州志誤

碑云元豐戊午魃虐如焚禱之沛

然雨足詔封普澤侯宋史本紀熙寧十年三月壬申詔州

縣捕蝗七月甲寅禱雨十二月壬午詔改明年爲元豐戊

午卽元豐元年以此碑證之則是年平定猶旱也碑又云

徽宗朝太守張穎政通神明有禱必從奏遷爲靈源公元

韓粹中重修靈源公廟碑宋宣和中用太守張穎之請加

封靈源公此穎以宣和中知平定之證碑云天會丁巳巨

旱太守耶律志詣祠祈雨丁巳天會十四年志以其年知

平定州碑以大定九年禱應而立碑末題忠武校尉前同

知軍事蒲察吳中表謝立石

卽碑內之貳政權郡蒲察州志蒲察金大定九年爲

忠武校尉同知平定

軍事無名宜据碑補奉信校尉平定主簿兼縣尉趙道

趙道金大定九年

年爲平定主簿承議郎行平定縣令賜緋魚袋任守

修武校尉軍事判官完顏蓬古

州志無按卽碑內之州倅完顏鎮國上將

軍同知平定軍事移刺荅撒

關州志

輔國上將軍知平定

軍事護軍開國侯溫特痕德

開州志作溫時痕

輟耕錄金人姓氏

蒲察

漢姓

曰李移刺曰劉無溫特痕有溫迪罕

欽定金史

國語解富察原作蒲察移刺原作伊喇按此二姓皆金大

族碑見通志金石記

裴氏族譜石刻

碑高五尺二寸廣四尺四寸八分碑石殘缺行數難攷正書今在聞喜縣

聞喜裴氏家譜序

邑人靳愿書並題額

嘗謂木之植也根深則枝茂水之疏也源浚則流長物理如是
是在人奚獨不然河東聞喜裴氏先廼伯翳之後□秦封姓
為裴自後宗□□昌大迄于近代其閒豪傑俊□□卿賢
相磨肩接踵輝耀前史茂鬱如林世不乏人非祖宗積善累

德且深且厚曷能若此而慶流綿遠乎昔春秋時王侯卿大夫舊有世譜先儒所載者甚博今裴氏家藏族譜則而象之始自一宗次分三眷詳列支派千載間捐紳聲跡可謂簡而易究炳而易知也裴栢廼裴氏祖莊自來蒼舊傳祖先家譜珍藏寶秘未易示人奈何先因兵火繼緣寇盜常慮遺墜一日遠孫裴再興與眾議曰祖塋畔舊有碑一座並無一字鐫刻次後遷移村下立在道佐積有年矣好事者過之覩其闕文莫不再三嗟惜焉今欲將家譜模勒是碑非徒為遠近榮觀又且為不朽之計顧不遑歟族人聞者悉皆悅從迺相與鳩工聚費再加磨礱用記於後云

大定十一年八月晦日

里人彭城劉若虛序

山石志卷之二
按碑題邑人靳愿書并題額聞喜縣志補金劉若虛文詞
典覈與同里裴再興善再興發其家乘與職方氏互參考
訂作爲裴氏世譜若虛爲之序甚有文筆云校卽此碑

藏山廟記

碑高四尺三寸五分廣二尺二寸五分二十
九行行五十八字正書今在孟縣北神泉堡

金神泉里藏山神廟記

承德郎同知蔡州防禦使事飛騎尉賜緋魚袋智楫撰

武德將軍行太原府孟縣尉驍騎尉孫德康篆立石

鄉貢進士薛頤貞書丹

孟者古孟大夫之邑也邑之北遠豈舍連山岿嶮峻極於天
天險而不可升地險而舟車不通人迹所不及曰藏山藏山
之迹迺趙朔友人程公藏遺孤之處也公姓程名嬰家世史

不載而後世無聞行事見於趙世家爲趙之先與秦同後造父爲穆王御穆王封之徙於趙至叔帶去周事晉晉公三年大夫屠岸賈欲誅趙氏韓厥告趙朔趣亡朔不肯曰子必不絕趙祀朔死不恨賈不請而擅與諸將攻趙於下宮皆滅其族趙朔妻成公姊有遺腹公宮匿趙朔客曰公孫杵臼杵臼謂公曰胡不死公曰朔之婦有遺腹若幸而男吾奉之即女也吾徐死耳居無何而朔婦免身生男賈聞之索于宮中夫人置兒枵中祝曰趙宗滅乎若號即不滅若無聲及索兒竟無聲已脫公謂杵臼曰今一索不得後必且復索之柰何杵臼曰立孤與死孰難公曰死易立孤難耳杵臼曰趙氏先君遇子厚子彊爲其難者吾爲其易者請先死乃二人謀取他人嬰兒負之衣以文葆匿山中公出謬謂諸將軍曰誰能與

我千金吾告趙氏孤處將皆喜許之發師隨公攻公孫杵臼
杵臼抱兒謬曰天乎天乎趙氏孤兒何辜請活之獨殺杵臼
可也諸將不許遂殺杵臼與孤兒諸將以為趙孤良已死皆
喜然趙氏真孤乃反在公處俱匿山中居一十五年後與韓
厥謀立趙孤至景公乃復趙田邑如故反滅屠岸賈族及趙
孤冠乃為成人公乃辭諸大夫謂趙曰昔下宮之難皆能死
我非不能死我思立趙氏之後今趙既立為成人復故位我
將下報趙宣孟公孫杵臼趙啼泣頓首固請曰我願苦筋骨
以報子至死而子忍去我死乎公曰不可彼以我為能成事
故先我死今我不報是以我事為不成遂自殺趙服齊哀三
年為之祭邑春秋祠之世世不絕噫趙氏之先有仁愛乎有
遺德乎天之生此人也若使苟當時富貴利達後世豈有趙

乎今日豈有廟乎且晏平仲善與人交久而敬之迨及于後
陳雷范張膠漆之合鷄黍之約皆以一時之朋盍前賢記諸
善以為美事公為人之友成人之事殺已之身身沒而名不
沒此方之人為立廟貌其來遠矣歲歲血祭遠近歸禱雲合
輻輳故祭法曰法施於民以死勤事以勞定國則祀之公之
生其義存焉公之死其利存焉存與沒人皆福利生死一也
死而不朽反貴於生何以言之廟之西側壘石環堵石溜灌
穿彌縫而合晦迹仍存廟之東崑石之罅靈泉涓滴有取一
勺之水為濟大旱廟之侑坐趙孤者靈更明矣人有竊負而
往者亦能救旱意其禱中之風不墜焉惜乎我孟之境環處
皆山也土地磽瘠土庶繁多既無川澤以出魚鹽之利又無
商賈以通有無之市人人無不資力穡以為事向若一歲之

內頗值灾旱飢寒之患不旋踵而至由是賴我公之豐功厚德居山之靈風行草動狀帶威神為雲為雨往禱者無不應一方之人到今受賜無得而稱焉至於四方之人但往求者亦應之又以見俱蒙覆露也天德間歲大旱旬月不雨邑宰嘗往吊之洎歸似有褻慢之意須臾而雷雨大降宰復反已致恭虔俄雨作以獲霑足其靈異又有如此者人皆謂我既往而不足究予大定戊子來宰是邑之明年也自春徂夏陰伏陽愆旱魃為虐眾口謦謦皆有不平之色或告之曰

藏山之神其神至靈禱之必應予始未浮勉行之於是同縣僚暨邦人齋戒沐浴備祀事潔之以牲奠之以酒往迎之笙鏞雜遶旌旗閃爍徜徉百舞既迎之來恍兮降格油然而雲興沛然而雨作霑霑一境使旱苗槁草皆得蕃滋百穀用成

而歲大熟今年春予改官于蔡廼車載脂里族二三子來告曰公親觀

藏山勝事得無文焉應之曰不然予素為彫蟲之學言不足文必待宏儒碩士大手筆者而成之二三子其請愈堅于義不能辭迺為之記

大金大定十二年歲次壬辰六月戊戌朔十日丁未

當里進義校尉邢聚

進義校尉王京

進義校尉張珣

王老張遠

承務郎行太原府孟縣主簿雲騎尉賜緋銀魚袋席良臣
中議大夫行太原府孟縣令上騎都尉范陽縣開國子食

邑五百戶賜紫金魚袋燕毅

都化緣守廟趙澄

同化緣守廟男趙現

孟山宋勅刊

按藏山今平定州志在孟縣北三十五里相傳春秋時晉程嬰藏趙氏孤處山腰有藏身洞有廟祀趙武又報恩祠祀程嬰公孫杵臼後增韓厥記首謂孟者古孟大夫之邑卽指春秋孟丙爲孟大夫言又謂邑之北連山岌嶮峻極於天據州志七機巖在縣北三十五里由芝角村迤邐來皆孔道至此折而東兩山夾峙亂石蔽仄馬不堪行攀援間見蒼松蔽日鐘聲隱隱出林際乃藏山也境宇懸絕記言爲不誣矣記前半撮錄史記趙世家語頗能簡括公姊

有遺腹走公宮句內脫走字應據史補後半推言神之義
烈靈明具述禱雨之應而溯其作記所由始通志金石記
謂碑字少肥有六朝人氣味而譏其行文辭不達意良非
過論然藏山神祠之碑州志第詳元呂思誠一記今得是
碑乃知已有先呂氏而爲之者則其事足存正不必論其
文之工拙矣攷宋世以程嬰公孫杵臼保全趙孤優加封
爵續資治通鑑長編神宗元豐四年正月戊申以承議郎
吳處厚言詔封程嬰成信侯公孫杵臼忠智侯立廟絳州
太平縣載祀典建炎以來繫年要錄高宗紹興二十三年
二月壬申詔建祚德廟於臨安府進封嬰彊濟公杵臼英
略公陞爲中祀二人在宋追奉崇矣藏山有祠不詳何年
度必始北宋中葉迨乎汴都告傾金源啟宇勝朝廟剝多

從廢燬而茲祠獨以禱雨靈應勿替禋祀忠烈之氣深洽人心馨香千禩有不緣旣屋之社而俱湮者良足貴也撰記文之智楫史傳無其名孟縣志載楫大定間知孟縣寬而有制百事具舉越三載夏大旱禱於藏山引咎自責俄大雨歲乃登則楫蓋良吏惟記云大定戊子來宰是邑之明年自春徂夏旱魃爲虐志則云越三載大旱楫自述必可信志蓋誤楫繫銜爲承德郎同知蔡州防禦使事飛騎尉賜緋魚袋攷金史百官志文階正七品上曰承德郎諸防禦州置同知防禦使事一員正六品地理志蔡州有防禦使屬南京路又百官志從六品曰飛騎尉今案同知蔡州防禦楫所歷職承德郎飛騎尉則階與勲也輿服志六品七品服緋佩銀魚楫所賜與志合又百官志武散官正

六品下曰武德將軍諸縣尉一員正九品專巡捕盜賊又云散官高於職事者帶行字孫德康以武德將軍爲孟縣尉散官高於職事帶行字是矣又志從七品上曰承務郎主簿正九品雲騎尉正七品正五品上曰中議大夫諸縣令從七品上騎都尉開國子俱正五品子爵食實封五百戶席良臣燕毅二人事不可攷俱散官高於職事故帶行字縣志職官表金時宰是邑者首列毅名或卽據是記云爾神泉里據州志卽今神泉邨堡在縣北三十里又地理志太原府有孟縣屬河東北路碑見通志金石記

元融和尚塔記

石高二尺七寸八面每面廣六寸五分六行行三十字行書今在平定州

崇勝寺融公大法師壽藏塔記

師諱元融姓崔氏廣陽故驛里人也自為兒時至性穎悟不
喜嬉弄年將□□誓求入於佛道自詣崇勝寺出家師事僧
承悟至皇統辛酉歲試經得度始受具披緇而後代師
承悟管勾□□事及承悟以老疾告終師以禮葬畢迺乞食
訪道遠遊諸方至于潯陽龍興寺執弟子之禮以事都僧錄
廣惠大師而稟業焉廣惠知師性識通敏可宣律傳教舉師
充尚座而攝講事焉至天德壬申歲師場來崇勝本刹惟以
講為事有潯陽開元寺都僧判通辯大德來詣崇勝傳授師
大乘戒是歲郡豪王忠翊仲等請師詣故雄猛營天王堂而
作佛事師即往焉自居是處迄今二十餘年講事未嘗少暇
供僧十有餘万于被天王堂之南剪荆棘除瓦礫砌建精藍
時見聞者皆爭捨施富者助財壯者出力巧者獻技師縮衣

節口化導經營銖積寸累以迄于成堂宇寮厨生生具脩嚴
麗深穩悅可人意復作三大士像及畫藥師像又創置百法
論并諸抄記共八十餘部華嚴等言經五大部至大定甲申
歲是時官鬻寺院額師入錢一百千其□建之院特

賜名洪濟崇勝寺僧有元照者將創建羅漢堂功未集而身
沒本寺□□復請師□作之費錢一百餘万不日而堂告成
師傳大乘戒二十餘年□之□□者不啻三千于大定乙酉
歲闔郡僧衆舉師為綱首師非其好也屢求謝去其徒相率
留之師卒謝去至壬辰歲郡寮乘僧衆而今曰僧正之
職總領綱要實以行解表衆而已非清通端雅者莫任其事
然難得其人融師則其人也汝等為我舉之衆復樂而推師
師不獲已而復起視事焉師雖在此位神氣澄穆不見喜愠

溜素□服行年六十不知牝牡之欲不營利欲之私體無□
□□無文詞□□律儀而行垂米護持行住坐卧皆在正受
余與師同郡人也□師真有過人者為師□門人雲玄等同
欲□□送終之大事建師之壽塔□求文為記□□□□
為浮屠語以問□曰人□所謂身者人生之所寄□而所謂
居□者人生之所以寄所寄也□身□□□尚不得有而□
□□

師□雲亭雲□雲□試經沙弥雲臻

天寧萬壽禪寺比釋妙湛書丹并題額

尅擇盧瞻

石匠李□弟李□

碑匠趙琦

按碑題天甯萬壽禪寺比邱妙湛書丹并題額平定州志
天甯寺在下城南營宋熙甯間建賜名天甯萬壽禪林敕
太師蔡京書額與碑題合碑書崇勝寺大法師壽藏塔記
碑云師諱元融姓崔氏廣陽故驛里人太平寰宇記平定
軍平定縣舊廣陽故城在軍東南三里州志鄉五南曰廣
陽碑言大定甲申歲官鬻寺院額師入錢一百千與諸碑
牒納錢賜額合又見金史食貨志首云皇統歲試經得度
可爲考金掌故者之助今平定州志有廣陽都有故驛鋪
州東七
十里以此碑考之則金已有故驛之名矣碑見通志金
石記

山右石刻叢編卷二十